



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermannii Conringii De Antiquitatibus Academicis
Dissertationes**

Conring, Hermann

Helmestadii, 1674

Svpplementvm LXIIX. Ad pag. CXL.

urn:nbn:de:hbz:466:1-12929

illud quod Dissertatio habet pag. 137 de Privilegio Parisien-
sis Doctoribus per Nicolaum IV^{tum} dato; perinde atque
ab illo Nicolao est illud pereximum quod ibi attulimus in
medium, ita etiam omne hoc de Doctoralium insignium col-
latione eidem acceptum esse referendum. Certè purpureus
pileus Doctorum non potuit cœpisse prius quam ille Car-
dinalibus fuit concessus. Fateor tamen hoc meum de Ni-
colao IV Papa auctore tantum conjecturam esse: rem verò
omnem quam rectissime intelligi posse ex Privilegiis Ponti-
ficiis Parisiensi & Bononiensi Scholæ concessis, modò illa in
lucem promerentur.

Ne quis porrò dubitet, Doctoribus olim insignia Do-
ctoratus quæ appellantur tanquam Clericis esse concessa,
atque adeo Doctores & Magistros Clericis fuisse annume-
ratos, adferam hoc loco saltim illa quæ notavit Pancirollus
Viar. lection. l. r. cap. 89. Cum enim dixisset, in Italia olim,
omnes qui à mechanicis artibus vacabant, sive administrandis ma-
gistratibus vel conscribendis instrumentis, sive docendo sive inter-
pretando juri operam dabant, Judices vocatos, subjungit hæc
verba: Postea verò quam longis ac sacerdotalibus vestibus, qua-
dratoque pileo, insigniri Doctores cœperunt, Clerici sunt appellati
ut ex vetustis instrumentis constat: & alii ad eorum differentiam
Laici. Quo vocabulo nostri Doctores sape utuntur, cumquid Laici
displicuisse dicunt. Ut Paulus Caſtrenſis, qui Laicos Legum im-
peritos interpretatur. Taceo, quod non olim duntaxat sed
hic etiam tempestate compluribus fuerit viſum, Academias
esse corpora non secularia sed Ecclesiastica: quibus proinde
ea quæ de instituto Doctoralium insignium attulimus non
poterunt displicere.

SUPPLEMENTVM LXIX.

Ad pag. CXL.

SEculo quarto, Romæ pariter & Constantinopoli, omnem

Zz 2

in

in studiosos liberalium doctrinarum jurisdictionem fuisse penes Præfectum Urbi, liquidum est cum aliunde tum ex Lege prima Codicis Theodosiani de Studiis liberalibus Urbis Romæ & Constantinopolis. Constitutio illa lata est à Valentino Valente & Gratiano Imperatoribus. Quam quia singulari libello illustravimus, non est quare hīc ex eā quæ huc faciunt adferamus. Non igitur Athenis Atticis duntaxat sed etiam alibi passim, omnis Scholastica jurisdictione fuit ordinario magistratui civili commissa.

Fuit nempe magna quidem auctoritas isthac tempore Atticorum Sophistarum, vel Atheniensium Oratorie Professorum: nulla tamen illis competit jurisdictione. Enimvero magnifica sunt verba quæ Eunapius de Juliano Sophista protulit: *καὶ ἐπεργένται γὰς τὰς Αθηνῶν αὐτῷ τοῖς ή πάσια νεότης πανταχόθεν ἔχωρει, μητοχῆς ἔγενεν τὸν αὐτοῦ καὶ μεγάθες φύσεως σεβαζόμενοι.* In Proæresio idem Eunapius ait: *καὶ τὰς ὅπῃ λογότις βασιλεῖσαν εἶχεν αὐτοί. Item: τὸ δὲ Περιεργούσι πόρουνις ἐδόκει τις εἶναι καὶ ἐντυχεῖν, η δέετη τῷ λόγῳν ἐδόκει καλῶς.* In quantas porro factiones scindere potuerint etiam ipsas provincias Romanas, discere est ex iis quæ narrat Eunapius de iis quæ contigerunt circa electionem Proæresii. Ad hoc in frequente tunc usu fuit de cathedra Professoria, vox *Θεόντα & Βηματῶν*. Cæterum si rem ipsam proprius intueris, nihil hujus jurisdictionem aliquam significavit. Usque sane adeò parum contra petulantiam juventutis valuit ipse Proæresius, ut non nisi precibus potuerit mitigare vexationes insolentium juvenum, quibus illi adventantem Athenas Eunapium & agrotum, malo tunc recepto more, exagittare instituerant: quod ipsem narrat Eunapius.

SUPPLE-